

# Egipat: Hapšenja zbog poticanja protesta

12 februar 2012 Izmijenjeno 14:32 CET

**Radnički aktivist i australski reporter su među optuženima za plaćanje Egipćanima da demonstriraju**



Fayami je poznat po svojoj ulozi u demonstracijama iz 2008. godine u Mahalli

Egipatske vlasti su privede četiri osobe, uključujući australskog novinara i egipatskog radničkog aktivistu, zbog sumnji da su radnicima plaćali učešće u demonstracijama protiv vojne vlasti, prenosi vladin dnevni list *Al-Ahram*. Austin Mackell i Kamal el-Fayoumi su zadržani u gradu Mahalla u subotu zajedno sa Aliyaom Alwy, njihovom prevoditeljicom i Derekom Ludovicijem, američkim studentom. Fayami, koga je Al Jazeera intervjuirala prošlog aprila, poznat je po svojoj ulozi u demonstracijama 2008. godine u Mahalli, sjeverno od Kaira, koje su inspirirale šestoaprilski pokret. Slučaj je prosljeđen glavnom tužiocu, javlja *Al-Ahram*. „Naš automobil su gađali kamenjem i udarali su od staklo ... zovu nas raznim imenima. Policija nas je ispratila do stanice“, napisala je Alwy na svom Twitter profilu prije odlaska u pritvor. U subotu uvečer je napisala kako pritvorene predaju obavještajnoj agenciji. „Optužbe protiv nas uključuju poticanje protesta i vandalizam. Nađeni su i svjedoci da to potvrde.“

## 'Djelovali na internetu'

General Mostafa Baz, šef policije u sjevernoj pokrajini Gharbiya, rekao je reporterima da se za četvero uhapšenih sumnja da su putem interneta koordinirali sastanak u Mahalli, u kojem su se i u prošlosti organizirali radnički protesti, da „potiču ljude na demonstracije.“ Australско ministarstvo vanjskih poslova je javilo da je Australac uhapšen u Mahalli i da je ambasada u Kairu tražila informacije od egipatske policije o mogućim optužnicama. „Konzularni zvaničnici iz australske ambasade u Kairu su razgovarali s ovim čovjekom ... potvrdio je da se policija prema njemu odnosi korektno“, stoji u izvještaju ministarstva.

Optužbe o navodnom stranom miješanju u egipatsku politiku su pojačane u proteklih nekoliko sedmica. Vlasti u Kairu procesuiraju 43 strana i egipatska aktivista, uključujući 20 Amerikanaca koji su radili za prodemokratske grupe, uključujući i organizacije bazirane u SAD-u. Aktivisti su u subptu pozvali građane da nacionalnim protestom obilježe godišnjicu pada bivšeg predsjednika Hosnija Mubaraka i pojačaju zahtjev da se okonča vojna vladavina koja ga je zamijenila. Egipatska vojska je ranije bila uključena u zadržavanje i mučenje protivladinih demonstranata.

Izvor: Al Jazeera